

藝

菊

志

藝菊志六卷

嘉定陸廷燦扶照氏輯

詩三

七言絕

菊花

元稹

秋叢繞舍是陶家
遍繞籬邊日漸斜
不是花中偏愛菊
此花開盡更無花

席上賦白菊

白居易

滿園佳菊鬱金黃
中有孤叢色倍香
借霜還似今朝飲
酒席白頭翁入少年場

禁中九日對菊花酒憶元九 白居易

賜酒盈杯誰共持
宮花滿地獨相思
相思只傍花邊
立盡日吟君咏菊詩

軍事院霜菊盛開

皮日休

金華千點曉霜凝
獨對壺觴又不能
已過重陽三十
日至今猶自待王弘

白菊

皮日休

已過重陽半月天
琅華千點照寒烟
蔬香亦似浮金
壓花樣還如鏤玉錢

奉和諫議訓先輩霜菊

陸龜蒙

紫莖芳艷照西風。祇怕霜華掠斷業。雖伴應劉還強。
醉路人終要識山公。

憶白菊

陸龜蒙

稚子書傳白菊開。西坡相滯未容迴。月明階下牕紗
薄。多少清香透入來。

菊

鄭谷

王孫莫把比荊蒿。九日枝枝近鬢毛。露濕秋香滿池
岸。由來不羨瓦松高。

十月菊

鄭谷

節去蜂愁蝶不知。曉庭還繞折殘枝。自緣今日人心
二

別未必秋香一夜衰

白菊

司空圖

登高可羨少年場
白菊堆邊髻似霜
盆筭更希沾上藥
今朝第七十重陽

花下對菊

司空圖

清香裊露對高齋
泛酒偏能浣旅懷
不似春風逞紅艷
鏡前空墜玉人釵

庭前菊

韋莊

爲憶長安爛漫開
我今攜爾滿庭栽
紅蘭莫笑青青色
曾向龍山汎酒來

對菊

僧齊已

無豔無妖別有香
裁多不爲待重陽
莫嫌醒眼相看道
却是真心愛淡黃

暮秋見菊花

鮑溶

菊花低色過重陽
似憶王孫白玉觴
今日王孫好收採
高天已下兩回霜

宮中菊

宋徽宗

清晨檐際肅霜鮮
曉日初消萬瓦烟
隆德崇陽開小宴
競將黃菊作荒田

題壽客

關士容

莫惜朝衣換酒錢
淵明邂逅此花仙
重陽滿滿杯中
泛一縷黃金又一年

毘陵張敏叔繪十花爲一圖
日日十客圖其間
菊花曰壽客
錢塘關士容因賦詩
殊恨其不工
今作一絕以易之云
王十朋

東籬寂寞舊家鄉
頭白天生鬢又黃
歲歲相陪重九宴
主人傳得引年方

菊

歐陽修

共坐闌邊日欲斜
更將金盞泛流霞
欲知却老延齡藥
百草開時始見花

菊枕

陸游

少日曾題菊枕詩
蠹編殘葉鎖蛛絲
人間萬事消磨盡
只有清香似舊時

咏菊

王安石

補落迦山傳得種
閻浮檀水染成花
光明一室真金色
復似毘耶長者家

城東寺菊

王安石

黃花漠漠弄秋暉
無數蜜蜂花上飛
不忍獨醒辜爾去
慙慙爲折一枝歸

詠菊

王安石

院落秋深數菊叢
綠花錯莫兩三蜂
蜜房歲晚能多少
酒盞重陽自不供

殘菊

王安石

黃昏風雨打園林
殘菊飄零滿地金
攬得一枝猶好在
可憐公子惜花心

五月園夫獻紅菊

蘇轍

黃花九月傲清霜
百草滿園無此香
紅紫無端盜名字
試尋本草細思量

其二

南陽白菊有奇功
潭上居人多老翁
葉似皤蒿莖似

蘇未宜放入酒盃中

閱古堂前植菊二本九月十八日花猶未開
因以小詩嘲之

韓琦

只趁重陽選菊栽當欄殊不及時開風霜日緊猶何
待甚得迎春見識來

戲答王子予送凌風菊二首 黃庭堅

病來孤負鸕鷀杓禪板蒲團入眼中浪說閒居愛重
九黃花應笑白頭翁

其二

王郎頗病金盃酒不耐寒花晚更芳瘦盡腰圍怯風

景故來歸我一枝香

自採菊苗薦湯餅

黃庭堅

幽叢秀色可攬擷
煮餅菊苗深注湯
飲水食蘗浪自苦
摩挲滿懷春草香

戲答王觀復酴醾菊

黃庭堅

誰將陶令黃金菊
幻作酴醾白玉花
小草真成有風味
東園添我老生涯

寺菊

秦觀

門掩荒寒僧未歸
蕭蕭庭菊兩三枝
行人到此無腸斷
問爾黃花知不知

佳菊

蘇過

壽客尤宜在壽鄉
細花的皜傲新霜
更歌華壽今歸去
尚有淵明野趣香

五色菊

劉原父

屢聞白雪題詩句
飽看黃花泛酒盃
豈是一枝能五色
相隨次第雪中開

庭前菊

劉原父

翠葉今華刮眼明
薄霜濃露倍多情
誰人正苦山中醉
借與繁香破宿醒

池邊菊

王禹偁

綠池遠逕幾千栽準擬登高泛酒杯未到重陽歸闕
去金英寂寞爲誰開

重陽不見菊

范成大

節物今年事事遲小春全未到東籬可憐短髮空欹
帽欠了黃花一二枝

其二

冷蘂蕭疎蝶嬾飛商量何日是花時重陽過後開無
害只恐先生不賦詩

菊樓

范成大

東籬秋色照疎蕪挽結高花不用扶浮洗西風塵土

向來看金碧萬浮圖

愛菊

馬揖

愛菊吟詩興不窮平生事業在其中
成名縱未爲詩將立傳猶堪號菊翁

友菊

馬揖

雨餘深院香猶在霜後疎籬色倍明
臭味相投吾與汝不隨時世變枯榮

茹菊

馬揖

雨餘禾藁供晨饌亂簇冰盤翠欲流
勝友過從休笑山居只此當珍羞

賞菊

馬揖

時時載酒過籬邊
無日無花到眼前
清賞不須論九日
一年長是菊花天

對菊

馬揖

淵明常醉屈平醒
採菊餐英得趣深
野老對花醒復醉
不同時世却同心

菊花

史鐫

獨芳三徑屬秋深
清致貞姿快賞心
解道卓爲霜下傑
平生靖節最知音

佳友

史鐫

氣清色正品尤高好事幽人善與交開徑何須望三
益相陪雅尚在香苞

對菊懷古

史鑄

靖節先生菊滿園其名獨有九華存東籬若許塵蹤
到佳品須當盡討論

殘菊

楊廷秀

腸斷黃花霜後枝花乾葉悴雨離披一花忽秀枯叢
裏更勝初開乍見時

采菊

馮發藻

和霜旋采黃香嗅與客登高適興時多謝安排滿頭

插相隨何得怨開遲

茶菊

許賜

采得黃花滿蕊筐
愛渠甘味更還香
堦前蟹眼湯初熟
七椀何妨取次嘗

紅菊

許賜

一種嬌紅倚畫欄
晴霞絳雪結成團
于中一朵黃花
映其道相如火煉丹

屈原餐菊圖

鄭思肖

誰念三閭久陸沉
飽霜猶自傲秋深
年年吞吐說不
得一見黃花一苦心

陶淵明對菊圖

鄭思肖

彭澤歸來老歲華東籬儘可了生涯誰知秋意凋零
後最耐風霜有此花

菊花不謝

鄭思肖

花開不並百花叢獨立疎籬趣未窮寧可枝頭抱花
死何曾吹墮北風中

黃花

朱淑真

土花能白又能紅晚節由來愛此工寧可抱香枝上
老不隨黃葉舞秋風

奉詔霜菊見贈之什

崔璞

菊花開晚過秋風聞道芳香正滿叢爭奈病夫難強
飲應須速自召車公

送菊與劉守漢臣

郭祥正

一年愛惜傍東籬今日纔開四五枝折與劉郎休嘆
老嫩黃新白恰相宜

秋末圭寶齋前菊盛開

張耒

幽齋誰與破窮愁蜀錦當軒爛不收白帝屬車千萬
乘玉輪金轂照清秋

九月十日菊花爛開

張耒

蕭條秋圃風飛葉却有黃花照眼明已過重陽慵采

顛自嫌亦作世人情

白菊

魏野

濃露繁霜着似無
幾多光彩照庭除
何須更待螢兼雪
便好叢邊夜讀書

小甘菊

文保雍

莖細花黃葉又纖
清香濃烈味還甘
祛風偏重山泉漬
自古南陽有菊潭

梅聞踰月而黃菊方爛然

鄭剛中

江梅久矣報塗粉
籬菊傲然方鑄金
嶺外四時惟一氣
難分冬霧與秋陰

霜後菊

姜特立

嫩黃釀白嬌秋暉正坐清霜一夜飛似怯曉來天氣
冷一時都換紫羅衣

大笑菊

姜特立

玉瓣金心磊落花天姿高灑出常葩標名大笑緣何
事開口相逢有幾家

菊

戴君恩

芳叢熒熒殿秋光嬌倚西風學道粧一自義熙人去
後冷烟疎雨幾重陽

菊口號

張孝祥

五柳門前三徑斜東籬九日富黃花豈惟此菊有佳
色上有南山日夕佳

送四月菊與提刑丈

張孝祥

午陰籬落小徘徊底許清香鼻觀來定自霜臺風力
峻故教寒菊著中開

其二

金縷裁衣玉綴裳掃除瘴暑作秋香一盃擬做重陽
賞更惜西風一夜涼

爲曾公卷題采菊圖

韓駒

九日東籬采落英白衣遙見眼能明向令自有杯中

物一段風流可得成

菊

陶弼

九月凝霜殺草根獨開黃菊伴金樽東籬故事何重
豔醉倒花前是遠孫

山行見菊

李龔

野色芬敷洗露香籬邊不減御衣黃繁英自剪無人
捋應笑陶潛雨鬢霜

對菊

顏延架

移來叢菊九秋黃幕府何如三徑香雙鬢颼颼如野
鶴獨醒猶自立斜陽

其二

重陽已過小春來
寒蕊經霜猶自開
半卷離騷行且讀
庭前一步一徘徊

遶堤種菊

許有孚

酒熟同招隱士看
饑來忍把落英餐
春風無限閑桃李
不似黃花耐歲寒

愛菊

袁彥章

金相玉潤頗關情
解印歸來眼獨青
貪向花前頻酌酒
不知摘盡滿天星

菊槩

林洪

何年霜後黃花葉色憲猶存舊卷詩曾是在來籬下
讀一枝開弄被風吹

菊

劉克莊

落托山園載酒來江梅含雪倚春臺菊花無藉秋光
老猶自離披帶雨開

其二

羞與春花艷冶同殷勤培養待西風不須牽引淵明
比隨分籬邊要幾叢

菊

錢昭度

曾見春花落萬紅不然隨雨卽隨風如何得到重陽

日浮在陶家酒盞中

菊花

韓丕

造化工夫豈異端自然開晚少人看若教總似陶潛
眼肯向芳春賞牡丹

謝曹斯立送菊就索公醞

曹伯起

庭前黃菊蔚成叢政要花邊酒頰紅九日故人來送
菊菊花重疊酒尊空

朝天菊

洪邁

但見茶蘼能上架那知甘菊解朝天亭亭秀出風烟
上冷落東籬却可憐

五月菊

宋自遜

東籬千古屬重陽此本偏宜夏日長
會得淵明高臥意故來同占小窻涼

菊花

高翥

白白黃黃自歲寒詩翁但作菊花看
牡丹茉莉非吾事自是時人被眼瞞

其二

親向東籬手自栽夕陽小徑重徘徊
花應得似人乖角過了重陽爛漫開

其三

愛花千古說淵明肯把秋光不似春我重此花全晚
節勝栽三徑伴閑身

其四

新分菊本自鋤山手縛枯藤作矮闌比似著書空用
力種花猶得一年看

題昭上人松菊堂

耶律楚材

晴烟蒼節出牆青斜日黃花隔檻明松菊尚存歸未
得湛然真箇太愁生

采菊圖

元好問

信口成篇底用才淵明此意亦悠哉枉教詩酒分留

在百繞斜川覓不來

錢舜舉折枝菊

袁桷

醉別南山十五秋
鴈聲深恨夕陽樓
寒香似寫歸來夢
背立西風替蝶愁

十樣小菊

郝經

孤根如線耐霜侵
浪蘂還開玉與金
爲問西風緣底事
一枝同氣不同心

觀牡丹菊有感

郝經

黃花喚作牡丹菊
又喚芙蓉秋牡丹
幸自拒霜全晚節
強爲春色亦應難

菊花

曹璞

霜落天涯草木稀
疎花秋晚獨芳菲
平生不愛杯中物
嬾向西風望白衣

白衣

濮陽傳

香御霜容味更幽
淵明去後付誰收
任教一百二十品
變盡東籬五色秋

題錢仲貽菊坡圖

袁易

紅紫紛紛總後塵
三三兩兩可相親
不知坡上秋多少
少展卷霜風欲拂人

晚香亭

姚文真

百花開盡菊盈枝
三徑歸來酒滿卮
老圃秋容清馥馥
西亭宜各賦新詩

吳中菊花盛開

宋無

菊花三百六十種
處處名園花不同
安得化身千百億
一花著取一吟翁

九月菊

喬承華

一年佳節是重陽
籬菊開時正有香
風雨頻催秋色老
令人空憶御袍黃

菊花霜

段成已

六宮試手學梅粧
曾見飛英點額傍
香粉嚼餘濃不

散吐花誤染縷金裳

題孔先輩菊圃

張伯淳

詩禮家庭隱逸姿
倦遊心事付東籬
寫真不在丹青裏
一夜秋香老更宜

菊軒

張伯淳

幽香耐晚水
延生霜落何
見落英莫訝當春賦
秋景春花未必到秋榮

其二

旅食都門閤歲華
菊花開後便無花
從知獨殿羣芳意
唯許蒼松共一家

題葉伯奇墨菊圖

趙偕

不到東籬知幾年菊花依舊可人憐何妨且對南山坐吾道窮通信有天

黃紫菊

曾極

商飈基在昔人非草木尤爲富貴移曾是六朝歌舞地黃花一半染胭脂

十月看菊

鄭澈

秋盡江湖候鴈哀思歸日上望鄉臺殷勤十月咸山菊不爲重陽爲客開

叢菊

張輔之

陶菊含香籬下黃
摘來盈把便持觴
白衣酒熟無勞送
白喜枝枝傲曉霜

其二

歸來掃徑隔三秋
一度寒花一度愁
莫謂開時他日淚
還思不謝在黃州

菊花

殷士儋

落盡春花始見栽
清秋爛漫一籬開
仙人自采千年藥
逸士難空九日杯

其二

盈盈長日倚清霜
百草凋零自晚香
翠竹疎籬烟景

夕臨風三嗅客心傷

野菊

東會王

震峯

耽幽愛咏少陵詩花影翩翩照酒卮收拾秋光供老
眼黃金開滿鳳凰枝

菊

谷高

傲雪凌霜堅晚節寒香滋味可長生王孫服食無他
嗜日向籬邊採落英

己未九日對菊

袁凱

老夫愛此黃金蕊兒子須將白酒賒直到殘陽下天
去更添燈火照欹斜

九月八日對菊

高啓

預向籬邊把一盃黃花多意已能開不憂風雨明朝
阻懶逐時人鬪折來

九月八日對菊

楊基

去年風雨罷登高今日黃花預見招莫怪遶籬開未
好正忝秋色待明朝

瓶中插黃白紅菊花

徐賁

淺白深紅間淡黃重陽已過尚聯芳莫因顏色分花
品同是秋風一樣香

寓舍紫菊

周伯琦

來時關北草初勻去日灤陽白露新
窗下紫蕤顏色好獨延清興欸詩人

題菊窻

吳與弼

清霜離落任天真可信虛窻別有春
陶屈依稀千載後餐英露豈無人

却交師送菊

王賓

重重花葉鏡光中在子還如在我同
萬朵寒香方丈室不曾零落似霜風

墨菊

方孝孺

分根昔日向東籬種近羲之洗硯池
幾度偶澆池上

水花開朵朵墨淋漓

覓菊

鮮縉

昨朝細讀嚴君藁見有唐家覓菊詩秋雨三年隔今
古東籬仍與傲霜枝

菊蕊

張弼

濕雲如夢雨如塵庭菊抽苗覺漸新試看枝頭青萼
蕾香猶待採花人

雪中見菊

謝復

手種寒花慣傲霜雪中猶自挺孤芳從今添却東籬
趣使我南塘雪亦香

雨中扶菊

盧綰

黃顛白倒竹籬東盡是重陽醉後翁
留與畫工摹雨意疎疎畧爲剪繁叢

次韻菊花

謝鐸

典午河山又一新風光不似義熙春
寂寥三徑歸來後獨有黃花是故人

題菊

薛瑄

未到高秋有別情新叢簇簇傍階生
歸心不待霜花發留與新知作眼明

其二

簇簇新叢傍憲臺
臺端有客日徘徊
歸期若在花前發
畱向新枝次第開

其三

鐵冠不受晚風寒
采得幽香靜處看
幸自託根今得所
栽培應有露團團

其四

簾捲秋風繞砌花
沅陽幾對昔年華
關山白露三千里
誰采金英泛紫霞

對菊

陳獻章

餐香誰亦到湘濱
西崦東籬盪一巾
去歲金莖曾照

我今年玉蕊又驚人

五月菊

陳獻章

小變春紅作淡妝
山亭初見一枝黃
醉中忽眩東籬眼
起視金錢着屐忙

載菊

陳繼儒

取次山人酒一瓢
趁潮歸去路非遙
當船明月纖如許
載得黃花不碍橋

看菊

陳繼儒

四面羣峰入草堂
尚餘竹木繞迴廊
雖然處士無功業
也種黃花滿地香

題菊

錢福

紅紅白白又黃黃三種移來就一方
好似瓊林春宴罷狀元榜眼探花郎

旅館題菊

唐寅

黃花無主爲誰容冷落疎籬曲徑中
儘把金錢買脂粉一生顏色付西風

墨菊

唐寅

故園三徑吐幽叢一夜玄霜墮碧空
多少天涯未歸客借人籬落看秋風

題殘菊

楊繼盛

萬樹紅芳帶露殘
獨憐黃菊對霜看
東君不與花爲主
一任西風落砌寒

謝周文學明禮贈菊

王穉登

寒香折贈兩枝新
聊伴天涯客裏身
夜坐挑燈對花影
翻憐黃菊瘦如人

菊

徐渭

百草諸香白露溥
一時非不哭湘沅
千年獨有黃花瘦
爲伴行吟瘦屈原

翎菊

徐渭

視底毫端秋氣清
攢花簇葉筆通靈
看來不似籬邊

色拔取沖天白鶴翎

紅菊

王佑

秋來不解醉容粧底事紅顏妒少娘終羨歲寒心節
在漫勞歌舞競迴廊

對菊

何景明

三閭大夫不願醉五柳先生不願醒一醒一醉緣何
事坐對寒花烟滿庭

其二

菊過重陽開更繁城中車馬未曾看種來本是山家
物白露清霜共暮寒

其三

檻畔輝輝纖月斜幽香獨立殿年華多情似與詩人
約一夜還開四五花

其四

露委烟斜更有情黃花紫萼太分明只教秋色常爲
主莫遣西風怨落英

回子眼

熊明遇

碧髭愁胡雙綠瞳三時懊恨不秋風如今却喜弓梢
勁引眼歸雲彈遠鴻

海雲紅

熊明遇

滄海瀾漫覆碧空
蜃作樓臺玳作宮
借得金波開颺
氣晴光遙看十洲東

和秉之送楊妃西施菊

王鏊

爛醉都忘倒接巵
高堂四菊十分奇
西施未醒楊妃
醉白髮尊前恐未宜

其二

年來黃菊也隨時
闌出金盤與玉卮
獨有歲寒心尚
在落英重作楚人詞

野人獻菊碧色每叢作雙鳥並立名鴛鴦菊
爲之賦詩

王鏊

不向東籬嗅落英相呼相喚本同聲不知草木緣何
事也作人間兒女情

五色菊

童以冠以水草
接菊成五色

王鏊

前身那復是江薩白白紅紅忽蒲枝恐是韓郎工幻
化賺教陶令醉東籬

冬日還菊盡開

盧

冠巖

無數金錢籬落堆賣殘寒綠賸春魁不將苦骨霜中
戰那得千紅萬紫來

淵明采菊

沈周

典午江山醉不支先生歸去自嫌遲寄奴蔓草無容

地怪剩黃花一兩籬

王西室寫菊楊南峯贈詩

蔣一熊

楊王愛菊興交馳一爲傳神一詠詩遐想長年頻醉
賞翻疑蔣徑勝陶籬

賞菊

魏時敏

短籬疎雨正離披淡白深紅朶朶宜自計老年才思
減重陽過後不題詩

移菊

劉士亨

自是中黃第一花鴈來時節傲霜華如何秋色無人
管移向龍香道士家

一圃菊

陳淳

種菊籬根一尺強
重陽過後始聞香
朝呼稚子和霜折
分得秋容到草堂

其二

籬落秋深菊有香
不同凡卉弄凡粧
從來識得騷人意
委質甘充冰蘖腸

恨菊

李贄

不是先生偏愛菊
清霜獨有菊花開
滿庭秋色無人見
敢望白衣送酒來

謝人惠菊

袁仁

寂寞柴扉掩夕暉東籬分惠落香雲
潛夫解得凌霜趣一步看花一想君

九日月中对菊

張本

花上清光花下陰素娥惜此萬黃金
一盃寒露三更後誰信幽人更苦心

其二

九日餘香伴月明一觴亦足暢幽情
青樓夜半琵琶語不說人間有此清

其三

龍山戲馬賞秋光多少新詩入錦囊
磨滅英雄豈勝

數千年依舊一花香

咏菊

鄒賓貞

不共春光鬪百芳
自甘籬落傲風霜
園林一片蕭疎景
幾朵依稀散晚香

咏菊

虞氏

移得春苗愛護周
柴桑無主爲誰秋
寒芳甘抱枯枝老
羞逐西風逐水流

題籬邊菊

徐媛

微霜清淺濕蒹葭
一夜西風燦野葩
對酒踏歌花塢下
南山蒼色落僮家

亞史惠龍腦菊

許景衡

正色最宜霜後見清香自是藥中珍
明年把酒東籬下采采何如舊主人

黃鶴翎

林宗可

自從仙客駕長空惆悵西風去後蹤
華表月明風露冷翩翩金羽傍籬東

紫鶴翎

施兆昂

紫蓋風前帶露歸倩姿不假雪爲衣
秋風吹下翎千片幻作籬花總欲飛

金盞銀臺

許光魯

黃中素表拆秋葩恰似筵開富貴家
晃耀西風深院裏清標不減水仙花

楊妃菊

無名氏

霓裳舞罷小腰肢低首臨風幾許思
莫怪姿容太妖冶半絲卯酒半燕脂

菊

不逐春風桃李妍秋風收拾短籬邊
如何枝上金無數不與淵明當酒錢

金錢菊

楊巽齋

清曉幽叢露作團籬邊積疊喜人看
落英欲買真無

價唯許騷人罄一餐

金錢菊

僧文行

化工鑄出最光圓
閑數枝頭不計千
滿徑黃花秋富貴
陶公何必苦無錢

大笑菊

僧文行

遶籬喜色破新愁
一粲西風卒未休
非學野花留寶靨
應嗤楚客獨悲秋

酴醾菊

朱九嘉

酴醾風味醺人醉
著莫東籬愛酒翁
一夜金莖全換骨
冷香晴雪滿秋風

大笑菊

僧希高

寒花也解媚清秋貌似呵呵蒲儼然若使幽王能着眼何須舉火戲諸侯

金鈴菊

孫耕

疑是良工巧鑄成天然顆顆帶黃英離邊一任風搖動不學簷前斷續聲

孩兒菊

弱質生成由地母清姿保愛藉園公花偏嬌嫩葉偏細凝竚籬邊弄晚風

鷺鷥菊

玉羽氤氲剪作花花心挺出傲霜華恰如未上青天
去且立西風古徑斜

牡丹菊

馮發藻

秋香剛欲竊天香遙想南陽似洛陽莫道東籬藹聲
價詩人曾擬作花王

桃花菊

怪底玄都花發遲西真着意在霜枝春葩也耐秋風
勁紅雨何愁亂入籬

金絲菊

纏風綰雨短籬旁織出黃花縷縷黃遙想司花幾仙

子鮮明擬作六銖裳

酴醿菊

秋花也與酒齊名三月留爲九月英
朶朶露樓朧亞雪還如壓架拆春晴

夏月佛頭菊

圓英現出端嚴相素瓣染成知見香
必竟白毫破炎毒故教開向夏畦涼

茱萸菊

一種秋英具兩般摘來浮向酒杯寬
阿誰到得重陽日醉把花枝仔細看

孩兒菊

穠叢弱質巧相如曉沁啼痕一雨餘天亦何心鍾愛
汝也呈佳色殢陶廬

朝天菊

凌霄花豈凌霄去向日葵空向日傾何似幽姿堪對
越也酬洪覆拱高明

黃金盞菊

千葉黃花細葉相比

馬揖

九日黃花有意開也應知道白衣來先生必向花前
醉故遣花神爲捧盃

墨菊

出于朔庭近時方有

獨抱緇衣對曉寒天然清淡惡華丹多因元亮題詩
筆洒在寒枝濕未乾

茶菊

黃色細花花心有芒本草云紫莖氣香而味甘美葉可羹者爲真菊

靈種初非來北苑仙根却自出南陽且同陸羽烹春
雪未許淵明把酒觴

萬鈴菊

花類佛頭黃而豐腴叢高大而扶疎色鮮明而光采

金風鑄出晚秋英造化鑪中巧賦形飛鳥欲來還又
去似疑有許護花鈴

小金鈴菊

葉類茶菊叢低枝密金色圓花大如鈴頭累累相比聚于葉端

時當少皞嚴申令故遣金鈴報晚秋寂寂千林正搖

落似將木鐸振衰周

鬧蛾兒菊

細葉淡黃花一花不過三四葉葉各相向如蝶拍之狀

花神巧剪鬧蛾兒春去飄零無處歸尚有寒枝香信在故應撲撲蒲園飛

淵明菊

單葉白花一名冒菊花之豐腴倍于他菊一幹一花潔白鮮明

一叢蕭洒向寒榮曾結柴桑社裡盟貞白魁奇無附麗固應千載擅芳名

大夫菊

細葉黃花可入藥苗亦可茹卽今之甘菊也

此花獨抱清高趣人爵安能浼得渠喚作大夫君識否餐英想自楚三閭

處士菊

多葉白花謂之處士白又有處士黃者花小而繁

皎皎貞芳雅淡容
濂溪推許一何公
名標隱逸非無意
爲有翛然林下風

伴梅菊

多葉白花花獨殿于衆菊

雪蕊霜枝本異花
同時一一殿年華
誰移五柳先生宅
來傍孤山處士家

金錢菊

多葉黃花大如折二錢

一徑黃花伴隱居
圓如鵝眼大如榆
山翁潤屋惟資汝
張武還知有此無

玉盤珠菊

多葉白花中數小葉合而爲心如珠之圓宛若盤心之承珠也

月斧修成玉一團
籬邊清潤逼人寒
花心掄出驪龍寶
一顆盈盈欲走盤

勝金黃

史鑄

籬下秋深花正敷
煌煌金彩照吾廬
維揚貢品雖稱貴
顏色看來反不如

九日黃

露葉花發例皆遲
異品敷金不詭隨
應節及時真可愛
登高且把泛瑤卮

又

應時寒蕊拆秋香
晃耀良金色可參
似遇道人殷七七

七故開佳節日三三

金錢菊

天女將圓買斷秋算來白帝價難酬金錢滿閭翻嫌
富撒向幽叢竟不收

金鈴菊

化工寫出爛盆枝顆顆光明耀竹籬賞翫佳人應笑
道待教繫回雪獅兒

金絲菊

染人徒染金絲色侍女謾歌金縷衣爭似黃花得天
巧織成紋絡不須機

淮南菊

割脂簇蠟密成團傑出東籬最耐寒加紫翻宜霜後
看料應慣見屬劉安

觀音菊

即天竺花

霞幢森列引薰風高出疎籬紫滿叢翠葉纖纖如細
柳直宜插向淨瓶中

木香菊

秋花也與藥名同素彩鮮明曉徑中多少清芬通鼻
觀何殊滿架拆東風

密友菊

寒英雅稱伴吾徒
色正香清態有餘
日涉中園長與
會何憂因數反成疏

牡丹菊

本是秋香九日黃
假爲國色百花王
待殘擬把酥煎
嚼莫採芳英泛酒觴

橙菊

上林嘉果久流聲
秋徑香苞特假名
正賴蠟肥新酒
熟幽人來賞兩含情

金蓮菊

迥出嬌紅媚一川
風刀細鏤耀離邊
不妨捧向孩兒

手留取清香在佛前

茱萸菊

品出陶家花品外名存吳地藥名中若將泛入重陽
酒不用分香摘兩叢

桃花菊

仙源分派到籬東灼灼瓊華綴露叢崔護詩章陶令
酒兩家混作一家風

荔枝菊

莫論枝上粟團黃且喜籬邊珍顆香若使唐家妃子
見料應悞謫醉中嘗

毬子菊

團團秋卉出籬東
惹露凌霜袞袞中
疑是花神拋未過
更教輾轉向西風

繡線菊 卽厭草花

天成素縷結秋深
巧刺由來不犯針
籬下功夫何綢爛
條條綰綴紫花心

玉甌菊

化工施巧在秋葩
琢就圓模瑩可嘉
着底香心真蠟色
似留賞客欲分茶

金盞銀盞

黃白天成酒器新
曉承清露味何醇
恰如欲勸陶公飲
西皞應須作主人

夏菊 卽滴滴金

未見秋來花便開
人言因露作根荄
千團萬點枝頭墜
盡化黃金出土來

金錢菊

陰陽鑄出繞籬邊
露洗風磨色燦然
未解濟貧行世上
且圖買笑向樽前

禁中菊 又名御愛黃

貴品傳來自禁中
色鮮如柘枕疑蜂
作歌亦見鍾情

重承眷應曾遇德宗

塔子菊

金彩煌煌般若花高蟠層級巧堪誇更添佛頂周遭
種成此良緣勝聚沙

大笑菊

晚節敷華性異常黃冠白羽道家粧料應識破榮枯
事獨對西風笑一場

餛頭菊

離火供炊餅餅圓幽人飽玩向離邊採來還問堪餐
否應使癡兒口墜涎

粉團菊

月姊容顏別一家天真何必御鉛華
秋來殘膩方拋棄幻作籬邊馥馥花

臘脂菊

天女染花情若狂鮮妍直欲媚秋光
忍將陶徑黃金色也學秦宮朱臉粧

甘菊

南陽佳種傳來久濟用須知味若飴
苗可代茶香自別花堪入藥效尤奇

黃白菊

二色秋英併一根金宜爲友玉爲昆相依笑向西風
裏皓色須還中色尊

九華菊

流芳千古傲霜英剪玉絲金照眼明若論駐顏功不
少仙丹端可與齊名

十樣菊

霜蕊多般同一本天教成數段秋榮從他蛺蝶偷香
慣偷過無過一例清

側金盞

圓模羅列占東籬西帝賜來宮樣奇疑是花神清酌

罷儘教放處不妨欵

御袍黃

秋晚司花逞巧工
解將柘色染幽叢
待看開向丹墀畔
宛與君王服飾同

銀盤菊

秋英疑是白金裁
承露如從仙掌來
翻笑漢皇銅制古
斬新一樣也奇哉

大笑菊

玉顏已破晚秋葩
不費千金亦可誇
幽徑主人偏愛惜
且羸耳畔弗誼譁

又

桃笑春風菊笑秋
冶容正色不相侔
寒梅一笑如堪
索這笑方爲是匹儔

末利菊

來從西域馨香異
翻作東籬品目新
悟此肯爲微利
役殷勤來賞屬幽人

徘徊菊

花神着意駐秋光
未許寒葩陡頓芳
敷彩盤桓如有
待幽人把玩不須忙

月下白

素質鮮明絕點塵
冰輪高照轉精神
叢蓂皓彩如羅綺
箇樣誠堪示染人

纏枝白

西風頓拆晚秋葩
色映霜華與月華
不特翠枝柔倚
懶更饒絲葉密交加

九華菊

功成丹鼎花堪比
花到重陽色正鮮
靖節集中名甚著
淡他慣服制頽年

艾菊

一入陶籬如楚俗
重陽重午兩關情
惜哉刪後詩三

百菊柰無名艾有名

又密白菊

化工也學割蜂房
秋卉粧成春葉黃
芬馥猶疑盛秬鬯
未容輕把泛霞觴

輪盤菊

秋深籬下折霜英
圓質風吹颺不停
天巧固非煩扁鵲
日新又豈待湯銘

醖醖菊

春架秋籬景一同
想因分種自蠶叢
但將醖醖酬佳節
不管花居酒品中

寒菊

不畏霜風質自殊
不招蜂蝶艷何孤
梅花松竹如相見
便合添爲四友呼

佛頂菊

籬畔光明緣底盛
秋來千百化身多
露棲不必醍醐灌
雨沐何煩手掌摩

野菊

寒郊露蘊疎仍小
瘦地霜枝縞且長
境僻人稀誰與採
馬蹄贏得踐餘香

紅薇菊

天厭花黃色改殷東籬景物似東山
逗遛春藥爲秋藥荆棘了無藏葉間

繡菊

寒葩縷縷結細紅不待織針見巧工
秋老從他宮線減彩文翻喜入花叢

孩兒菊

地母捉來風露徑笑風泣露並堪憐
品微示乏香肌骨濫預秋英得浪傳

紫菊

卽馬蘭

秋野閒花似錦鋪佳名得自北人呼
若教尼父當時

見應惡紛紛色亂朱

春菊 卽蒿萊

莫論園蔬品日與花開不減菊幽奇燦然金色仍堪
抹春老恰如秋老時

石菊

花美雖堪寫國扇艷妖未必入東籬紀名何取它山
物徧問園官總不知

藝文志六卷